

因舊辦理者也一爲水師軍內河左軍三營巡警省西河道內河右軍三營巡警省東河道贛防軍三營巡警贛南河道諸軍船艦二十年未修均將朽敗已飭籌款新造以期堅實江西商舟繁盛水道紆阻緝姦護旅必不可疏此水師三軍九營其營制餉章皆稍有變更者也一爲練兵選鋒省標三營九江鎮標二營贛南鎮標二營其營制餉章皆前護撫臣柯達時所定臣爲補奏者也臣查江西全省軍制續備重在分防礮臺重在守險水師重在巡警選鋒重在土著惟常備二軍三千餘人士卒倍加精選軍餉亦從優例全力整頓專備朝廷隨時征調之用未敢因籌款艱難於軍中必不可少之需稍從刻覈以懈士心贛省他軍亦不引以爲例以昭節省至現定營制將來如有未盡事宜應行更改之處容隨時奏明辦理伏乞 敕部立案施行謹 奏奉 硃批該衙門知道單併發欽此

各省軍事紀要

京師 圓明園之八旗火器營近經該管王大臣奏請於本營兵丁改練常備軍本營自籌經費業已奉 旨依議該營即咨練兵處調取直隸武備學堂畢業學生二十名委充教習官長以資訓練

直隸 熱河建平狼頭嶺等處馬賊猖獗擄人勒贖該處附近挖金貧民極多因此輟業隨從附和聚衆至三千人政府接於郡統來電即飛咨馬宮保就近剿辦

山東 曹州兗州等各州縣人民因徵稅過苛大爲憤激遂致釀亂館陶縣濮州等土匪亦與之呼應該縣知縣僅以身

軍 事

十四

甌官兵即已前往彈壓

山西 晉省永靖縣屬五十餘村村民三千餘人因官吏征稅不善起而反抗蠶擁入城焚毀縣署委統領前往彈壓亦爲瓦礫擲傷勢甚洵洵晉撫亟電致政府請革職以慰民心

江蘇 駐鎮新勝營統帶徐寶山參戎前奉署督端制軍飭長江一帶現有匪徒設立同仇華興會潛謀不軌速宜嚴密查拿等情因即購線偵緝於江北七濠口地方拿獲會匪黃鳳山等九名并起出華興票多張當即押赴甯垣稟請發落浙江 雙龍會黨頭目王金保現由松陽鄭紳在桐廬縣境拿獲解往松陽其黨張小岩亦在蘭溪拿獲一併解縣訊辦湖北 票匪頭目傅經魁由廣西至黃州爲王仙舟游戎緝獲搜出票布八張解省審訊供認不諱並有逸匪多名現尙按名緝捕

湖南 湘撫陸中丞自聞桂邊滇軍變亂後特札營務處將湘防大爲布置計發字旗駐紮古宜應將斗江之發字右旗調防古宜駐紮一處以厚兵力而爲右路前敵毅字旗應以現紮長安堡之一旗調防雙江司以紮靖州之二旗調防通道所屬之播揚應以紮青林界之三旗調防通道所屬之牙屯舖以爲右路援應以紮通道之鎮毅鎮標續備軍調防靖州保護糧臺以現駐通道之定字一旗調防斗江以忠毅軍先鋒營調防青林界以爲中路前敵忠毅軍中營調防長安堡適中之地既可爲中路援應又可策應各軍剛字旗應將現紮橫水隘之一旗調至龍勝與該軍二旗併紮一處以厚兵力該軍三旗仍紮瓢里司原防爲左路前敵以忠毅軍右旗駐防城步之橫水隘後旗駐防江頭司以爲左路援應左旗駐防新甯之寧上關前旗駐武岡州保護糧臺

新疆 新撫潘中丞近有密電到京略言回匪張大淵曹六平等運蓄槍礮謀爲不軌聲言割據新甘川滇四省獨立爲

清真教主請密迅添兵預早圖辦

廣東 廣甯會匪首僞請元帥曾忠禮潛匿佛山被潘都戎捕獲解交廣協堂訊直認不諱并搜出圖章單據各件均有悖逆字樣

廣西 桂匪陸亞發自在柳州叛變後竄踞油麻峒^{四十八}之一負嶼自固而褚大歐四等匪又分踞梅寨等處與之聯絡互相

接濟柳慶兩府均受其害嗣經王芝祥觀察先將褚歐匪巢相繼攻破岑制軍復調集各營合力進剿至甲辰十月初旬水師補用游擊宋尙傑直搗油麻峒復經楊革鎮發督率各營四路齊進遂將匪巢攻下陸亞發鎗傷肩背竄遷他峒爲中渡團總張振德所擒岑制軍訊供後飭卽凌遲處死傳首柳州示衆一面飛電外務部代表請將出力各員論功行賞 四十八峒攻破後各軍入峒搜捕餘匪搜出被掠婦女六百餘名分別資遣回家定武軍中營在峒擊斃匪首潘二

一名常卽獻首報功 馬平縣屬六都匪首黃老龍潘華浦等率黨千餘人攻劫附近穿山墟之雄良村竹根村紅田村

合村一帶殺斃鄉民男婦數百人又有土匪四百餘人攻劫藍家村大肆焚掠柳防軍往捕匪已獻散以上柳州

慶遠府宜山縣屬之忻城土縣爲大股游匪攻踞土知縣莫君及忻城典史某少尉均帶同殘隊逃回府城 甲辰十月

二十六日龍觀察濟光偵悉褚大一股尙盤旋於思恩縣羅漢山鷹山一帶當督率濟字各營約會張副戎得率貴字

等營分路兜剿匪見官軍大至併力聚於鷹山負嵎死拒二十七日濟字前鋒兩營先到奮勇攻剿兵匪均死戰勝負未

分二十八日龍觀察張副戎統濟字貴字大軍繼至分路夾攻用快礮轟燬匪寨復用排槍猛擊斃匪數百人匪衆駭潰

紛逃向下塘峒扒龍峒而去生擒悍匪數十名供稱褚大業已礮斃龍張兩統領一面尋認褚大逆骸一面派得力營隊

窮追逃匪以上慶遠

貴字營統領陳世華在遷江縣斬獲女匪頭目黃五娘及小頭目四名女匪十餘口以上思恩

懷集與廣甯相連之紫洞墟經派管帶盧文廣駐辦清鄉忽被土匪數千圍困鏖戰兩晝夜營懷集縣令移行鄰縣起援德慶高明封川各處陸續分撥救兵到時盧已出險生擒匪黨二十餘名并轟斃前攻宣城之孔八林石餘黨數十名

鬱林州屬興業縣磨槍山地方綿亘數十里山迴路曲林密菁深有匪首羅十一糾黨百餘人膺聚其中欲圖起事該縣劉大令會同鬱防親兵營三哨及團練數十名前往圍捕行至中傳村地方與匪對敵槍傷匪徒多名生擒數名匪力不支各鳥獸散以上梧州

象州屬北鄉之中平墟被游匪攻破圍紳李大時被擄并誘纏丁兩人常備軍汪管帶衛隊崔管帶督勇往剿匪遂將李及練丁殺害各軍兩路截擊與匪相持半日之久匪力不支相率而竄 州屬王田地方向為土匪老巢聚黨數股約千餘人自孫牧蒞任竭力剿捕匪目陳社生陳社求等股竄往馬平屬六都及來賓地方以上象州

貴州 劉藩司秦霖所部達字各營奉 旨回滇遣撤因飭派總兵謝鳳生知縣黎肇元沿途督率照料詎達字後營行至黔境巴沙地方搶掠叛變並劫去逼碼甚多巴沙距桂邊不遠粵督岑制軍當調黃忠浩陳兆棠等營堵扼險要分兵剿捕並電黔撫撥營會同夾擊黔軍在西山地方與之接仗哨長王正寅陣亡並斃散勇多名叛勇由黔境竄入桂省經各軍攔擊沿途潰散其餘未叛各營仍由謝鳳生等督率回滇妥為遣散

日俄戰事紀要

旅順陸戰

二龍山戰 攻圍旅順日軍於甲辰九月十七日預備進攻二龍山十八日午後三鐘以服部部隊之一部編成混成隊